

**Kalaallit Nunaanni mittarfinnut nunanut tamalaanut atorneqartunut tamanut kalaallit  
erfaluasuta qaqqineqartarnissaa qulakkeerneqassasoq pillugu Naalakkersuisut  
peqquneqarnissaannik Inatsisartut aalajangiiffigisassaattut siunnersuut**  
*Inatsisartunut ilaasortamit Lars Poulsen, Siumut, saqqummiunneqartoq*

**pillugu**

**Inatsisinut Ataatsimiititaliap**

**siunnersuutip aappassaaneerneqarneranut**

**ISUMALIUTISSIISUTAA**

Ataatsimiititaliap suliarinninnermini uku inuttarai:

Inatsisartunut ilaasortaq Aqqalu C. Jerimiassen, Atassut, siulittaasoq  
Inatsisartunut ilaasortaq Kuno Fencker, Naleraq, siulittaasup tullia  
Inatsisartunut ilaasortaq Karen-Marie Kyed Frederiksen, Demokraatit  
Inatsisartunut ilaasortaq Bo Martinsen, Demokraatit  
Inatsisartunut ilaasortaq Nivi Rosing, Inuit Ataqtigiit

UPA2026-mi 6. maj 2026 siullermeerinninnerup kingorna ataatsimiititaliap siunnersuut  
misissorpaa.

**Siunnersuutip imarisaa siunertaalu**

Kalaallit Nunaanni mittarfinni nunanit tamalaanit atorneqartartuni tamani Erfaluasutta  
atorneqartarnissaata qulakkeerneqarnissaa siunnersuummi siunertarineqarpoq. Siunnersuutip  
akuerineqarneratigut tamatuminnnga qulakkeerineqqullugit Naalakkersuisut  
peqquneqassapput.

**Siunnersuutip Inatsisartunit siullermeerneqarnera**

Siunnersuut siullermeerneqarami tapersorsorluarneqarpoq, tassa partiit tamarmik  
Naalakkersuisullu siunnersuut tapersermassuk.

Siunnersuutilli atuuffissaa mittarfinnuinnaq atuutsinneqarnani aammali assersuutigalugu  
umiarsualivinnut atuutsinneqarnissaa oqaluuserineqarpoq.

Inuit Ataqtigiit allannguutissatut siunnersuut imaattoq saqqummiuppaat:

*”Kalaallit Nunaanni isaavinni tamani, soorlu mittarfinni umiarsualivinnilu, nunanut tamalaanut atorneqartunut tamanut kalaallit erfalasuata qaqinneqartarnissaa qulakkeerneqassasoq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.”*

Tamanna tunngavigalugu siunnersuut ataatsimiititaliamit suliarineqartussanngorlugu innersuunneqarpoq.

### **Siunnersuutip aningaasaqarnikkut kingunerisassai**

Aalajangiiffigisassatut siunnersuutit piviusunngortinneqarneranni aningaasaqarnikkut allaffis-sornikkullu kingunerisassat siunnersuutip tunngavilersuutitaani nassuiaatigineqartassasut Inatsisartut suleriaasianni § 33, imm. 1-imi allassimavoq.

Tamanna naapertorlugu siunnersuut piviusunngortinneqarpat aningaasaqarnikkut kingunerisassat nalunaarneqarsimasut ataatsimiititaliamit maluginiarneqarpoq, tamatumani taakku annertuujusussaangitsut nalilerneqarluni.

### **Ataatsimiititaliap siunnersuummut oqaaseqaatai**

Siunnersuut annertooujussuarmik tapersersorneqartoq ataatsimiititaliamit maluginiarneqarpoq.

Kiisalu nunatta nunanut allanut tunngatillugu naalakkersuinikkut inissisimanera pillugu erfalatorput annertooujussuarmik soqutigineqarlunilu atorneqartoq ataatsimiititaliamit maluginiarneqarpoq. Nunatsinniinnaangitsaq, aammali nunani tamalaani.

Tamanna tunngavigalugu Inuit Ataqtigiit allannguutissatut siunnersuutaanni atuuffissaata annertusineqarnissaanik siunnersuummut sanilliullugu siunnersuutaaqqaartoq ataatsimiititaliamit oqaluuserineqarpoq.

### **Ataatsimiititaliap inassuteqaatai**

- Ataatsimiititaliap isumaqatigiittup allannguutissatut siunnersuut imaattoq akuerisassanngorlugu saqqummiuppaa:

*“Naalakkersuisut Erfalatorput nunatta erfalasuata nunat tamalaat akornanni mittarfinni, umiarsualivinni allanilu nunat tamalaanit Kalaallit Nunaannut iserfiusuni amuneqartarnissaanik qulakkeerinninnissaannik, kiisalu Naalakkersuisut sulissutigissagaat kalaallit inuiaassutsimik ilisarnaataat nunatsinni pisortat naalagaaffiullu sanaartugaanni erseqqissumik takuneqarsinnaanissaat pillugu Inatsisartut aalajangiiffigisassaattut siunnersuut.”*

Ataatsimiititaliap taama oqaaseqaateqarluni isumaliutissiisummilu allassimasutut paasinnil-  
luni siunnersuut aappasaaniigassanngortippaa.

---

Aqqalu C. Jerimiassen  
Siulittaasoq

---

Kuno Fencker  
Siulittaasup tullia

---

Karen-Marie Kyed  
Frederiksen

---

Bo Martinsen

---

Nivi Rosing